

**A4 ფორმატის საბეჭდი ქაღალდის 2019 წლის კონსოლიდირებული
ტენდერების სატენდერო კომისიის სხდომის
ოქმი №CON19/01**

ქ. თბილისი

15 თებერვალი, 2019 წელი

სხდომას ესწრებოდნენ:

ლევან რაზმაძე – სსიპ სახელმწიფო შესყიდვების სააგენტოს თავმჯდომარე, სატენდერო კომისიის თავმჯდომარე;

ლერი ბარნაბიშვილი - საქართველოს ფინანსთა მინისტრის მოადგილე, სატენდერო კომისიის წევრი;

ნათელა თურნავა - საქართველოს ეკონომიკისა და მდგრადი განვითარების მინისტრის მოადგილე, სატენდერო კომისიის წევრი;

ლევან კაკავა – საქართველოს შინაგან საქმეთა მინისტრის მოადგილე, სატენდერო კომისიის წევრი;

ნოდარ ხადური - სსიპ კონკურენციის სააგენტოს თავმჯდომარე, სატენდერო კომისიის წევრი;

სხდომის მდივანი:

ქეთევან ქადაგიძე - სახელმწიფო შესყიდვების სააგენტო, უფროსი ექსპერტ-კონსულტანტი კონსოლიდირებული შესყიდვების სფეროში.

დღის წესრიგი:

A4 ფორმატის უმაღლესი ხარისხის საბეჭდი ქაღალდისა და A4 ფორმატის პირველი ხარისხის საბეჭდი ქაღალდის (01.03.2019 - 01.06.2019 პერიოდისათვის) კონსოლიდირებული ტენდერების სატენდერო დოკუმენტაციების დამტკიცება.

განხილვა:

სატენდერო კომისიის თავმჯდომარემ, ლევან რაზმაძემ, კომისიის წევრებს შეახსენა, რომ სახელმწიფო შესყიდვების სააგენტომ, 2019 წლის საჭიროებების დაკმაყოფილების მიზნით, A4 ფორმატის უმაღლესი და პირველი ხარისხის საბეჭდი ქაღალდის კონსოლიდირებული ტენდერები გამოაცხადა ორჯერ:

2018 წლის 17 დეკემბერს, CON180000073 (უმაღლესი ხარისხის ქაღალდზე 7.70 ლარად), CON 180000074 (პირველი ხარისხის ქაღალდზე - 7.00 ლარად);

2019 წლის 11 იანვარს, CON 190000011 (უმაღლესი ხარისხის ქაღალდზე 8.05 ლარად), CON 190000012 (პირველი ხარისხის ქაღალდზე - 7.15 ლარად).

აღნიშნულ ტენდერებში მონაწილეობა არცერთ პრეტენდენტს არ მიუღია.

ტენდერების ჩავარდნის მიზეზის გაანალიზების მიზნით, გაიმართა სამუშაო შეხვედრები ბაზარზე არსებულ ბიზნესოპერატორებთან. ტენდერში მონაწილეობაზე უარის მიზეზად დაბალი საწყისი სავარაუდო ფასი დასახელდა. მიმწოდებლების თქმით, 2018 წლის ნოემბრიდან, მსოფლიო ბაზარზე მკვეთრად გაიზარდა საბეჭდი ქაღალდის წარმოებისათვის საჭირო ნედლეულის, ცელულოზას ღირებულება, რამაც ქაღალდის ფასების მატება გამოიწვია. საქართველოს ბაზარზე უმაღლესი ხარისხის საბეჭდი ქაღალდის ფასი 9.00 -11.00 ლარის ფარგლებში მერყეობს.

ყოველივე აღნიშნულის გათვალისწინებით, განხორციელდა ფასთა ხელახალი მოკვლევა.

შპს „პენსან ჯორჯიას“ შემოთავაზების მიხედვით, უმაღლესი ხარისხის საბეჭდი ქაღალდის ფასი შეადგენს 8.60 ლარი , ხოლო პირველი ხარისხის საბეჭდი ქაღალდის ფასი შეადგენს - 7.70 ლარი.

ი/მ „გიორგი კანდელაკი - ვესტას“ შემოთავაზების მიხედვით, უმაღლესი ხარისხის საბეჭდი ქაღალდის ფასი შეადგენს 9.50 ლარი, ხოლო პირველი ხარისხის საბეჭდი ქაღალდის ფასი შეადგენს - 7.80 ლარი.

მიუხედავად მცდელობისა, შენარჩუნებულიყო დაბალი ფასი, კონსოლიდირებული ტენდერები, უარყოფითი შედეგით დასრულდა.

ზემოაღნიშნულიდან გამომდინარე, მიზანშეწონილია, უმაღლესი და პირველი ხარისხის საბეჭდი ქაღალდის კონსოლიდირებული ტენდერები გამოცხადდეს ხელახლა და საწყის სავაჭრო ფასებად განისაზღვროს, შესაბამისად, 8.50 ლარი და 7.60 ლარი.

ლევან რაზმაძემ კომისიის წევრებს გააცნო A4 ფორმატის უმაღლესი ხარისხის საბეჭდი ქაღალდისა და A4 ფორმატის პირველი ხარისხის საბეჭდი ქაღალდის (01.03.2019 - 01.06.2019 პერიოდისათვის) კონსოლიდირებული ტენდერების სატენდერო დოკუმენტაციების თანდართული პროექტები.

პროექტებთან დაკავშირებით შენიშვნა არ გამოთქმულა.

კომისიამ დაადგინა:

1. დამტკიცდეს A4 ფორმატის უმაღლესი ხარისხის საბეჭდი ქაღალდისა (01.03.2019 - 01.06.2019 პერიოდისათვის) და A4 ფორმატის პირველი ხარისხის საბეჭდი ქაღალდის (01.03.2019 - 01.06.2019 პერიოდისათვის) კონსოლიდირებული ტენდერების სატენდერო დოკუმენტაციები, თანდართული რედაქციით და საწყის სავაჭრო ფასებად განისაზღვროს, შესაბამისად, 8.50 ლარი და 7.60 ლარი.
2. დაევალოს სსიპ სახელმწიფო შესყიდვების სააგენტოს, წინამდებარე ოქმის დამტკიცებიდან არაუგვიანეს ხუთი სამუშაო დღის ვადაში გამოაცხადოს A4 ფორმატის უმაღლესი ხარისხის საბეჭდი ქაღალდის (01.03.2019 - 01.06.2019 პერიოდისათვის) და A4 ფორმატის პირველი ხარისხის საბეჭდი ქაღალდის (01.03.2019 - 01.06.2019 პერიოდისათვის) კონსოლიდირებული ტენდერები.

ოქმის რედაქცია შეთანხმებულია კომისიის წევრებთან ელექტრონული ფოსტის მეშვეობით.